

**ҚОЗОҒИСТОН
ЭРОННИНГ ЭНГ ЯХШИ
ЙИГИРМАТА ЭКСПОРТ
ЙЎНАЛИШЛАРИДАН БИРИДИР**

Буни Эроннинг Қозоғистондаги элчиси Мажид Сабер Эрон-Қозоғистон иқтисодий алоқаларини ривожлантириш бўйича ўтказилган форумда маълум қилди.

– Қозоғистон очиқ денгизга чиқа олмай-диган мамлакатларнинг энг йириги, аммо унинг Россия ва Хитойга яқин қўшничилиги, шунингдек, Каспий денгизидagi узун қирғоғи мамлакатга имтиёзли мавқе берди, – деди элчи.

**МАМЛАКАТДА
ДОРИ-ДАРМОН
7 ФОИЗГА ҚИММАТЛАДИ**

Қозоғистон дорихоналарида бир йилда энг кўп қимматлашгани – антисептиклар, баҳоси 17 фоизга ошган. Шунингдек, ҳарорат туширадиган дорилар 8,5 фоизга қимматлашган.

Умумий фармацевтик дориларнинг баҳоси бир йилда 7 фоизга ортган.

**КЎП БОЛАЛИ ОНАЛАР
93,9 МЛРД. ТЕНГЕ ЁРДАМ
ПУЛИНИ ОЛДИЛАР**

Буни Меҳнат ва аҳолини ижтимоий ҳимоя қилиш вазирлиги маълум қилди.

– 2020 йилги январь-май оралиғида ўрта ҳисобда 387,2 минг оила 93,9 млрд. тенгеге давлат ёрдами билан таъминланди. Май ойида 396,5 минг оила умумий қиймати 20,4 млрд. тенге ёрдам пулини олдилар.

**ҚОЗОҒИСТОН
“ЖАҲОН ЧЕМПИОНАТИ-2026”
УЧУН АРИЗА ТОПШИРАДИ**

Қозоғистон хоккей федерацияси Халқаро хоккей федерациясининг навбатдаги конгрессида 2026 йилги Жаҳон чемпионатида даъвогарлик қилмоқчи.

Буни Федерация бош директори Глеб Каратаев маълум қилди.

**ҚОЗОҒИСТОНДА
УЙ-ЖОЙ БАҲОСИ
КЎТАРИЛДИ**

ҚР Миллий иқтисодий вазирлиги статистика қўмитасининг маълумотларига кўра, жорий йил май ойида апрель ойига нисбатан мамлакатда кўчмас мулкнинг барча турлари, шу жумладан, янги, қайта сотиладиган ва ижарага берилган уй-жойларнинг ўртача нархлари ошди.

Иккинчи даражали уй-жой нархи кўпроқ кўтарилди – ойига 1 фоиз. Ўтган йилнинг декабрига нисбатан беш ой давомида ўсиш 3,2 фоизни ташкил этди. Ва йил давомида мамлакатда уй-жойнинг ўртача баҳоси 7,6 фоизга ўсди. Май ойида Қозоғистондаги иккинчи даражали уй-жойнинг ўртача сотув қиймати ҳар квадрат метри учун 208 148 тенгени ташкил этди.

**ҚОЗОҒИСТОН
GERMANYGA ҚАМИШ
ЭКСПОРТ ҚИЛМОҚДА**

Қизилўрда вилоятида бу йил етиштирилган қамишлар Германияга экспорт қилинмоқда.

Вилоят қишлоқ хўжалиги бошқармасининг маълумотларига кўра, Германияда уйларнинг томлари учун тўқима саватлар тайёрлашда қамишдан фойдаланилади. Ушбу маҳсулот бу йил биринчи марта экспорт қилинди. Ҳозирга қадар Германияга 122,1 тонна қамиш жўнатилган. Қамиш бутун дунёда кенг тарқалган. Қозоғистонда 2 тури ўсади. Уларнинг энг кенг тарқалгани – оддий қамиш. Қамишдан кимёвий ишлов бериш орқали қатрон, метил спирти, сирка кислотаси ва қоғоз олинади.

ҚозАхборот хабарлари асосида тайёрланди.



janubiy.kz

Жанубий

Қозоғистон

1991 йил 5 апрелдан чиқа бошлаган
Сешанба, пайшанба ва шанба кунлари чиқади

2020 йил 16 июнь, сешанба. №57 (2832).



3-бет.



Ўзбекистондаги Сардоба сув омборининг бузилиши туфайли Мақтаарал туманида 5та қишлоқ зарар кўрди. Дастлабки кунлардан бошлаб офат юз берган жойга Nur Otan партияси вакиллари етиб келиб, тошқин оқибатларини бартараф этиш ишларига фаол киришиб кетишди. Nur Otan партияси раисининг биринчи ўринбосари Б. Байбек мақтааралликлар билан учрашиб, қатор масалаларни назоратига олишганди.

ПАРТИЯ НАЗОРАТИДА

Элбоши ташаббуси билан ташкил этилган “Биргамиз!” жамғармаси партия назоратига олинди. Мирзакентда 20та уй барпо этиляпти. Шу билан бирга мирзачўлликлар экин майдонларини тиклаш, техникаларни ёнилғи билан таъминлаш масаласини ҳам илгари суришган эди. Бу ариза партия назоратига олинди, бугунги кунда Мақтаарал ту-

манидаги экин майдонлари тикланяпти. Умуман туманда хўжаликларга 4160 тонна ёнилғи ажратилган. 25 майда сув босган ҳудудлардаги экин майдонларини қайта ишлаб, уруғ қадаш учун қўшни Ўзбекистон ёрдам сифатида 243,6 тонна чигит, 15та чизель агрегати, 11та ер юмшатгич, 124та дон сепиш ва бошқа махсус техникаларни юборди. Nur

Отан партиясининг Мақтаарал туман филиали раисининг биринчи ўринбосари Д. Асабаевнинг маълум қилишича, деҳқонларнинг илтимосига кўра ерни қайта ишлаш, пахта экиш ишлари юксак даражада бажарилмоқда.

Nur Otan партияси Туркистон вилоят филиали раисининг биринчи ўринбосари Б. Тажибаевнинг айтишича, аҳоли талаби ва илтимосларининг ижобий ҳал этилиши доим партиянинг эътиборида.

– Мақтааралдаги фавкулда ҳолатга доир партия вакиллари тинимсиз ишламоқда. Бугун Мирзакентда “Биргамиз!” жамғармасининг ёрдами билан солинаётган 20та уйнинг қурилишини партия филиали ўз назоратига олди.

Nur Otan партияси Туркистон вилоят филиали матбуот хизмати.

ЖАДАЛ АХБОРОТ!



Ҳозирги кунда Туркистон шаҳар марказий касалхонасига тумов белгилари билан шифокорлар ёрдамига мурожаат қилувчилар сони кўпайди.

Беморларда тана ҳароратининг кўтарилиши, йўтал ҳамда ҳолсизлик белгилари сезилади. Тиббий текширувлар натижасида беморларда пневмония, яъни ўпка шамоллаши аниқланмоқда. Касалхонага тушган беморлардан зудликда COVID-19 инфекциясига тест олинди. Тахлил натижалари чиққунга қадар улар провизорлик бўлимда даво қабул қилишади. Тескари натижа аниқланганлар касалхонага жойлаштири-

либ, тегишли муолажани давом эттиришмоқда. Беморлар асосан пневмонияга чалинган.

Статистик маълумотларга кўра, бугунги кунда Туркистон вилояти бўйича провизорлик касалхоналарда 303 бемор пневмониядан даволанмоқда. Жами, 87 киши тузалиб чиққан.

Атрофдаги аҳволни эътиборга олиб, барчани инфекция тарқалишига йўл бермай, тиббий ниқоблар тақиб, эҳтиёт чораларини кўришга чақирамиз!

Вилоят минтақавий коммуникациялар хизмати.

● Обуна – 2020

“ЖАНУБИЙ ҚОЗОҒИСТОН” газетасига обуна бўлинг!

Матбуот – жамиятнинг кўзгуси, кундалик ҳаётимизнинг ойнаси, шитоб билан ўтиб бораётган умр лаҳзаларининг қоғоздаги инъикосидир. “Жанубий Қозоғистон” – республикамиздаги ягона ўзбекзабон давлат нашри, унда миллий қадрият, урф-одат ва анъаналаримиз ҳақидаги ранг-баранг мақолалар, янгилеклар, турфа ҳангомалар она тилимизда эълон қилинади.



Ҳурматли юртдошлар!
«Жанубий Қозоғистон»-га 2020 йилнинг иккинчи ярми учун обунани расмийлаштиришга шошилинг!

“Қазпочта” ХЖ орқали:
Шимкент шаҳри учун – 2590, 85 тенге;
туманлар учун – 2911, 20 тенге.
Шимкент шаҳри учун таҳририят орқали бевосита обуна баҳоси – 1600 тенге.

ҚУРУВЧИЛАР МАҲОРАТ САБОҒИНИ ЎТИШДИ



Туркистон вилояти ҳокимлиги ташаббуси билан Nur Otan партиясининг Мақтаарал туман филиали Фирдавсий қишлоғи аҳолиси ва қурувчи мутахассислар учун маҳорат сабоғини уюштирди. Ундан мақсад – аҳолига янги касб ўргатиб, бошпаналарнинг сифатли ва талабга мувофиқ барпо этилишига имкон яратиш. Сабоқ амалий машғулот шаклида ўтди. Тадбир доирасида аҳолига уй пойдеворини қўйиш пайтида қанча цемент қўйиш

кераклиги, гишт теришда қандай талабларга риоя этиш зарурлиги атрофлича тушунтирилди. Ҳатто мутахассислар қурилиш талабларининг ҳар бир жиҳати бўйича маслаҳат беришди.

–Бугун қишлоғимизда аҳоли уй солишни бошлаб юборди. Давлат 17 млн. тенгемизнинг тенг ярмини ўтказиб берди. Қурилиш суръатини сусайтирмаслигимиз керак. Бугун маҳаллий партия маҳорат сабоғи уюштирди. Бу биз учун

ўта зарур эди. Зеро, аҳолининг кўпи қурилиш ишларининг талабларига риоя қилавермайди. Шунинг эътиборига олган фидойилардан миннатдоримиз, – дейди Фирдавсий қишлоғи турғуни Муҳаммадҷон Мирзахўжаев.

Айни дамда фирдавсийликлар давлатдан ажратилган маблағларига уй қуришни давом эттиришмоқда.

Вилоят минтақавий коммуникациялар хизмати.

Мактабларни текширди

Туркистон шаҳри ҳокими Рашид Аюпов “Бандлик йўл харитаси” дастури доирасида жорий таъмирлаш ишлари юририлаётган мактабларни оралади.

Бугунги кунда 26та мактаб, 1та болалар боғчасида қурилиш-таъмирлаш ишлари олиб борилмоқда. Асосан, эшик-дерезалар алмаштирилиб, янги поллар тўшалмоқда, деворлар тартибга келтирилмоқда.

Ҳоким, айниқса, иссиқ сув, қўл ювиш жойларига алоҳида эътибор беришни тайинлади.

У мактабларни текшириш чоғида йўлакларни пардозлаш, тартибсиз ўсган дарахтларни пардозлаш, шунингдек, синф хоналари эшикларидоғи тахталаларга оид

таклифларини айтди.

Шу билан бирга, Н. Тўреқулов номидаги 8-сонли ўрта мактаб олдида хиёбон ва майдонча очирилиши маълум қилди.

Умуман олганда, қурилиш ишларига 300га яқин одам жалб этилган бўлса, унинг ярмидан зиёди юқоридаги давлат дастури асосидаги ишсизлар. Таъмирлаш-тузатиш ишларида тер тўкаётган компанияларнинг тенг ярми маҳаллий биродарликлар.

Текширув-тафтиш ишларида қатнашган ҳоким пудратчи компаниялар фаолиятига муваффақиятлар тилади.

Туркистон шаҳар ҳокимининг матбуот хизмати.

ИЖТИМОЙ МАСОФАНИ САҚЛАШ 2022 ЙИЛГАЧА ТАЛАБ ЭТИЛИШИ МУМКИН

2022 йилгача ижтимоий масофани сақлаш талаб этилиши мумкин. Бу ҳақда Қозғоғистон Соғлиқни сақлаш вазири Елжан Биртанов маълум қилди.

«Ҳозирги кунда дунёнинг баъзи мамлакатларида ва Қозғоғистонда коронавирус инфекциясининг иккинчи тўлқини давом этмоқда. Май ойининг охирида карантин талаблари юмшатиладиган кейин мамлакатда иккинчи тўлқин бошланди. Афсуски, COVID-19 вирусини юқтирганлар сони кескин ошди», – деб ёзди вазири ижтимоий тармоқдаги саҳифасида. Унинг сўзларига кўра, яқинда Гарвард университети соғлиқни сақлаш мактаби профессори томонидан илмий мақола чоп этилди. Унда муаллиф SARS-CoV-2 коронавирусининг тарқалишини бета-коронавирус мавсуми, иммунитет ва қарши иммунитет

тўғрисидаги маълумотлардан фойдаланган ҳолда ҳисоблаб чиқди. «Куз-қиш даврида SARS-CoV-2 тақорланиши тахмин қилинмоқда ва 2022 йилгача ўртача ижтимоий масофани сақлаб қолиш талаб этилиши мумкин.

Вазирнинг сўзларига кўра, энди инфекциянинг тарқалишини чеклашга қаратилган чора-тадбирлар ва карантинни енгиллаштириш ва уни вақтинча турмуш тарзига жорий этиш бўйича хавфсиз чоралар ўртасида умумий мувозанатни топиш керак. «Коронавирус бизни янада кўпроқ муаммоларга олиб келиши аниқ. Шунинг учун биз ушбу чораларга эътибор қаратишимиз керак», – деди Елжан Биртанов.

ҚозАхборот.

ЯНА БИР ПОРАХЎР ҚЎЛГА ТУШДИ

Келес туман ҳокимлиги «Уй-жой коммунал хўжалиги бўлими» давлат муассасаси раҳбари 30 млн. тенге пора олганликда гумон қилинмоқда, дея хабар беради жиноятчиликка қарши кураш хизмати.

Унга жиноятчилик бўйича судгача суриштирув ишлари бошланди. Гумондор шахс Туркистон вилоят ПБнинг Сариеғоч туманидаги вақтинча сақлаш ҳибсхонасига жойлаштирилди.

КазТАГ.

ТАДБИРКОРЛАР ЖАРИМА ТЎЛАШАДИ

Туркистонда умумий овқатланиш корхоналари ва меҳмонхоналар карантин қоидаларига риоя қилмаяпти.

Вилоят бош санитария шифокори раҳбарлигида ҳокимлик, полиция ходимлари, ОАВ вакиллари шаҳардаги қатор жамоат жойларига рейд уюштирилди. Мониторинг давомида 4 та тезкор гуруҳ 20дан зиёд иншоотларни бориб кўрди ва қатор камчиликларни аниқлашди. Рейд давомида умумий овқатланиш корхоналари соат 23:00дан кейин очилгани ва ташриф буюрувчилар сони жуда кўплиги маълум бўлди. Қаҳвахонада мижозлар ниқоб киймайдилар ва ҳатто гигиена қоидаларига амал қилмаслиги маълум бўлди.

Полиция ходимларининг қайта-қайта тақорлашидан сўнг одамлар тарқалди. Бундай камчиликларга йўл қўйган қаҳвахона соҳибларига нисбатан маъмурий ҳужжатлар рас-



миллаштирилди. Баъзи қаҳвахоналарда тадбиркорлар тезкор гуруҳ вакиллари кўриб, қироқларни ўчириб қўйишди. Карантин қоидаларига риоя қилмаслик меҳмонхоналарда ҳам қайд этилди. Бу ерда ҳам ходимлар ниқоб киймаганлиги ва келувчиларга антисептик воситаларни қўллашни унутганлиги маълум бўлди. Шунингдек, СЭС белгиланган вақтдан кўпроқ вақт мобайни-

да хизматлар кўрсатиши ҳақида хабар берилди. Умуман олганда, мутахассислар биргина Туркистон шаҳрида карантин жорий этилганидан бери 130 дан зиёд тадбиркорга жарима солинганлигини маълум қилишди. Улар орасида қаҳвахона ва меҳмонхоналар соҳиблари ҳам бор.

Казинформ.

Ўтган йилларда Тўлебий тумани ҳудудининг бир қисми Шимкент шаҳри тасарруфига ўтди. Демак, туман мегалполисга янада яқинлашади. Бу туманнинг бунёдкорлик ва ободончилик борасидаги масъулиятини ўн чандон оширади.

Туманга кираверишда кўплаб техника, юк машиналари иштирокида йўл тикланаётган бўлса, шаҳар ва қишлоқларда ижтимоий-маданий иншоотлар қурилиши бошлаб юборилди. Туманнинг кичик мавзелари эса ҳақиқий қурилиш майдонига айланди. Уларнинг барчасида инфратузилмалар ўтказиш ниҳоясига етмоқда.

Хуллас, қаерга борманг, янгиланиш, бунёдкорлик ишларининг гувоҳи бўласиз. Туман уй-жой-коммунал хўжалиги, йўловчилар транспорти ва автомобиль йўллари бўлими бошлиғи М. Сатилдиев ана шулар ҳақида гапириб берди.

– Мамлакатимизнинг барча ҳудудларида бўлгани каби, туманимизда ҳам аҳолининг ҳаёт сифати ва турмуш даражасини юксалтиришга қаратилган кўламдор ишлар амалга оширилмоқда. Аҳоли манзилларининг меъморий қиёфа-

БУНЁДКОРЛИК, ОБОДОНЧИЛИК, ФАРОВОНЛИК

сини миллий анъана ва замонавий шаҳарсозлик талабларига мувофиқ тубдан яхшилаш, йўл-транспорт, телекоммуникация тармоқларини ривожлантириш, таълим ва тиббиёт муассасалари, маданият ва спорт иншоотларини модернизациялаш, кўрсатилаётган хизматлар сифатини ошириш, сув ва иссиқлик таъминоти тизимлари, электр энергияси ва табиий газ тармоқларини қуриш ва таъмирлаш одатий ишларга айланди. Туманда 2020-2022 йиллар давомида қурилиш, таъмирлаш ва ободонлаштириш ишларини олиб бориш юзасидан махсус дастур ишлаб чиқилган. Унга мувофиқ, 1 Мамир ва Зертас қишлоқ округига кўчаларни ободонлаштириш учун туман бюджетидан маблағ ажратилиб, у тўлиқ ўзлаштирилди ҳамда қурилиш ишлари якунига етди. Кўчаларни давлат комиссияси қабул қилиб олди. Энди ҳомийлар ёрдамида ушбу ҳудудда аквапарк ва мусиқий фавворалар, спорт майдончалари, савдо ҳамда аҳолига маиший хизмат кўрсатиш

шихобчаларини қуриш, «Болалар боғи» хиёбонини барпо этиш режалаштирилган. Унда замонавий аттракционлардан ташқари, теннис корти, кичик стадион ва сузиш ҳавзалари ўрин олади. Бир сўз билан айтганда, қишлоқ ҳам шаҳардан қилишмайдиган масканлардан бирига айланади.

Ленгер шаҳрида жорий йилда кўп қаватли уйлар қурилиши давом этади. Бу ишларни «Өркен» МЧБ шартнома асосида олиб бормоқда.

Шаҳардаги ўнлаб кўп қаватли уйлар атрофи кўкаламзорлаштирилган.

Қадимда бир одам бепоён кенгликларга чиқибди-да бир майдонни белгилаб, тўсиқ билан ўрай бошлабди. Ундан нима қилаяпсан, деб сўрашса, боғ қилмоқчиман, деган экан...

Шаҳардаги кўп қаватли уйлар атрофи тўсиқлар ўрнатилиб, ўша манзилда гуллар, манзарали ва мевали дарахтлар экилмоқда.

– Аҳолини ичимли сув ва табиий газ

билан таъминлаш даражасини янада яхшилаш мақсадида туманда икки юз чақиримдан зиёд газ ва сув тармоқлари тортилди. Биргина «Самал» мавзесидаги муҳандислик-коммуникация қурилмаларининг смета баҳоси 701673,93 минг тенгени ташкил этди. Тўртта сув иншооти, бир қанча газ тақсимлаш пунктлари ва тармоқлари реконструкция қилинди, – давом этади бўлим бошлиғи. – Мазкур ишлар доирасида телекоммуникация инфратузилмасини ривожлантиришга ҳам алоҳида эътибор қаратилмоқда. Ўтган вақт мобайнида шаҳар ва қишлоқларда иккита техник хизмат кўрсатиш шихобчаси ишга туширилди. Ленгер шаҳрида оптик толали алоқа линиялари ўрнатилмоқда. Туманда бу борадаги ишлар кўлами кенгаймоқда. Натижада шаҳар ва қишлоқлар инфратузилмаси ривожланиб, кўплаб янги иш ўринлари яратилмоқда, аҳоли турмуши юксалмоқда.

Б. ДЎСМАТОВА.

ЭКСПОРТГА – МИНГ ТОННА ТАРВУЗ

Эрта кўкламда ерга уруғ қадаган деҳқон бо-бо бугун илк ҳосилини йиғиб олмоқда.

Жумладан, мақтаараллик деҳқон хўжаликлари 1000 тонна тарвуз ва 20 тонна қовунни МДХ мамлакатларига экспорт қилишди.

Буни туман қишлоқ хўжалиги бўлимининг раҳбари Ғалим Дуйсенбеков маълум қилди.

Вилоят ҳокими Ў. Шўкеевнинг топшириғига биноан, бир экин майдонидан 2-3 марта ҳосил олиш лойиҳаси туманда ижобий натижа бераётди. Жамбил қишлоқ округига қарашли Жалин қишлоғида жойлашган “Жорабек” деҳқон хўжалиги эртапишар ҳосилни дастлаб Беларусь давлатига жўнатишга эришди. Хўжалик раҳбари Р. Қалдибаев тарвузнинг “Долби” навидан 60 кунда илк ҳосил олишга муваффақ бўлди. Кунни кеча 25 тонна тарвузни юклаб, чет элга жўнатди.

Тарвуздан сўнг беда экиб, бир йилда икки марта ҳосил олишни режалашмоқда.

Айтиш жоизки, ўтган йили туманда 300 минг тонна полиз экинлари етиштирилиб, қишлоқ хўжалиги маҳсулотларининг умумий миқдори 44,9 млрд. тенгени ташкил этган эди.

Вилоят минтақавий коммуникациялар хизмати.



КОРОНАВИРУС ИНФЕКЦИЯСИНИ ЮҚТИРГАН ЧАҚАЛОҚ

Дунё эшигини очганига атиги 11 кун бўлган гўдак Туркистон вилоят болалар касалхонасига етказилди. Сайрам туманидан оғир аҳволда олиб келинган норасида зудлик билан жонлантириш бўлимига ётқизилди.

Олиб борилган ташхис тадбирларидан сўнг маълум бўлишича, болада туғма юрак хасталиги бор

экан. Қолаверса, янги туғилган чақалоқда пневмония ва коронавирус аломатлари ҳам аниқланган. Вилоят болалар касалхонасининг кардиожарроҳи А. Байсалов етакчилигида зудлик билан чақалоқнинг юраги операция қилинди. Икки соатга чўзилган жарроҳлик муваффақиятли ўтиб, боланинг қон айланиш тизими ва қон босими меъёрга келди.

Коронавирус инфекцияси тарқалиб кетмаслиги учун жарроҳликка алоҳида жой тайёрланиб, чақалоққа алоҳида шифокор ва ҳамшира тайинланди.

11 кунлик норасиданинг умрини сақлаб қолган шифокорлар – А. Байсалов, А. Аширов, А. Абдраимов, Ф. Исмаилов ва Е. Рахимовга чақалоқнинг ота-онаси миннатдорчиликларини изҳор қилишди.

Вилоят ҳокимининг матбуот хизмати.

Келес тумани, Биртилек қишлоқ округидаги “Нуржан” деҳқон хўжалиги 2011 йилдан буён иссиқхона мажмуасини ривожлантириб келмоқда. Бу ерда помидорнинг 40та нави етиштирилмоқда. Ҳозирги кунда хўжалик иш бошқарувчиси Нуржан Ўмаров 4,5 гектар ерга помидор эккан. Ундан ҳар куни 15 тоннага яқин ҳосил олиб, маҳаллий бозорга жўнатишмоқда.



ПОМИДОРНИНГ ҚИРҚҚА ЯҚИН НАВИ ЕТИШТИРИЛМОҚДА

Бундан ташқари, иссиқхона мажмуасида бақлажоннинг икки тури ва бодринг, қулупнай ҳам етиштирилмоқда. Хўжаликнинг умумий ер майдони – 11 гектарни, иссиқхона майдони – 5,6 гектарни ташкил этади. Бугунги кунда 10 одам доимий, 35 одам мавсумий иш билан таъминланган. Мажмуанинг ўзгачалиги – илғор технология асосида аҳолини сабзавот ва турли кўчатлар билан таъминлаш. Айтганча, хўжалик иссиқхона мажмуасига зарур ускуналарни ҳам ўзи ишлаб чиқариш билан шуғулланмоқда.

ОАВ вакиллари учун ташкил этилган матбуот сафари доирасида журналистлар Келес туманидаги полизчи-деҳқонлар билан ҳам танишишди. “Жамбил” ишлаб чиқариш ширкати 80 гектар майдонда тарвуз етиштиришмоқда. Ўтказилган кўчатлар сони – 800 мингта. Ҳар тупдан 3,5-4 килограммдан ҳосил

олмоқчи. Уни маҳаллий бозор ва Россияга жўнатишади. Ишчилар сони – 5 киши доимий ва 60 нафари мавсумий иш билан машғул.

Шунингдек, Келес туманида обикор ерларни кенгайтириш мақсадида каналлар қазилмоқда. Минтақадаги каналларнинг аксарияти Келес ўзанидан тарайди. Ўтган йили узунлиги 120 чақиримли 28 канал ва 10та сунъий сув тармоқларига жорий таъмир ва механик тозалаш ишлари олиб борилган. Шу каби ишлар бу йил ҳам давом этиб, минтақа деҳқонларининг илтимоси қаноатлантирилмоқда.

Йил сўнгига қадар режага мувофиқ, узунлиги 117,6 чақиримли 24та каналларда тозалаш ишлари олиб борилади.

Вилоят минтақавий коммуникациялар хизмати.

АҲОЛИ СУВ БИЛАН ТАЪМИНЛАНМОҚДА

Тўнғич Президент куни муносабати билан Келес туманида 4та иншоот фойдаланишга берилди. Биртилек қишлоқ округи, Енбекши аҳоли манзили электр қуввати билан таъминланди. Бундан ташқари, 13 чақиримли кўча бўйига диодли ёриткичлар ўрнатилди. Биртилек қишлоқ округи сифатли электр қуввати билан тўлиқ таъминланиб, 70 фоизга яқин кўчага тунги чироқлар ўрнатилди.

Туман ҳокими А. Есбаев Жужимдик қишлоқ округи, Сатпаев аҳоли манзилида ичимли сув тизимининг очилиш маросимида иштирок этди. Шу вақтгача ушбу масканда ичимли сув муаммо эди. Энди 644та оила ичимли сув билан таъминланди. Бундан ташқари, Жужимдик қишлоқ округидаги иккита аҳоли манзилида ер ости сув захираси аниқланиб, келаси йили сув ҳайдаш минораси қурилиши режаланмоқда.

Шунингдек, туман раҳбари Кўкбулақ аҳоли манзилида ичимли сув билан таъминланган қишлоқ аҳлининг қувончига шерик бўлиб, уларни Тўнғич президент куни билан қутлади. Мазкур аҳоли манзилида 1681 фуқаро истиқомат қилади, 241 оиланинг ҳаммаси ичимли сувдан баҳраманд бўлган.

Келаси йили Бўзсув ва Интимақ аҳоли манзилларини ичимли сув билан таъминлаш таррадууди бормоқда.

Келес тумани ҳокимининг матбуот хизмати.

ПРАЙМЕРИЗ ОНГ ВА ТАФАККУР ТАРОЗИСИ

Праймериз... Бу иборани сайловлар яқинлашиб қолганда тилга оламиз. Праймериз, оддий тил билан айтганда, партиянинг ҳар минтақада ўтказадиган ички сайлови.

Қадим замонлардан маълумки, ҳар қишлоқ-овулларда зарурат пайдо бўлган вақтда, одамларнинг ўзлари ҳамқишлоқлари орасидан муносиб раҳбар танлаб, шу минтақани бошқариш вазифасини унга юклашган. Бу кўпроқ қозоқ халқида учраган. Масалан, халқ орасида ўзининг ташкилотчилиги, гапга чечанлигини намойиш этиб, танилишни истаган кишилар халқ ўртасидаги турли баҳс-мунозараларга аралашиб, ўз куч-истеъдодларини синаб кўришган. Ҳокимлик тизгинини қўлга олиш умидида бўлган даъвогарлар эса эл-юрт ораламай, юрт оқсоқолидан фотиҳа олмай, ишга киришмаган. Одамларга сўзини тинглатиб, синатиб, кейин эл-юртга раҳбар бўлган экан. Унинг ҳалол ва адолатли эканини эса кенг жамоатчилик аниқлаб, баҳолаб турган.

Буюк даштда мавжуд бўлган ушбу демократия белгиси бугунги кунда яна долзарб. Қадимги одат янги шаклда ҳаётимизга кириб келмоқда.

Элбоши Н. Назарбаев ташаббуси билан Nur Otan партияси ҳам ички саралашдан ўтмоқда, яъни халқаро тажрибага мувофиқ – праймеризни бошдан кечирмоқда. Праймериз – партиянинг фаол аъзолари ва етакчиларини аниқлаш.

Жорий йил 5 мартда бу жараён учун лойиҳа қабул қилинди. Элбоши праймериз ўтказиш ҳақидаги қарорни тасдиқлади. 5 июнда эса партиянинг расмий сайтида партия сиёсий кенгаши тасдиқлаган партиявий саралашни ўтказиш қоидаси эълон қилинди.

Шундай қилиб, 2020 йил 17 август ва 3 октябрь оралиғида Қозғоғистон тарихида илк бор праймериз жараёни ўтказилади. Унда партия қадриятларини тарғиб этадиган, 25 ёшга тўлган Қозғоғистон фуқароси қатнашишга ҳақли. Агар партия аъзоси бўлмаса, партия сафига қўшилиб, праймериз иштирокчиси сифатида рўйхатдан ўтади.

БУ СИЁСИЙ ЖАРАЁН НИМА УЧУН КЕРАК?

Биринчидан, Парламентни персонализациялаш учун. Яъни қозғоғистонликлар Парламентга даъвогар бўлган шахсларни “элақдан ўтказиш” имконини қўлга киритишади. Уларнинг эл-юрт олдида нутқ сўзлаб, ўз дастурларини ҳимоя қилишганига гувоҳ бўлишади. Очiq беллашувлар орқали жамоатчилик бўлғуси йўлбошчининг, яъни ҳокимият эгаси – депутатнинг фаҳм-фаросати, дунёқарashi, теран масалаларни еча олиш-олмаслик хислати билан яқиндан танишади, кузатади, баҳолайди.

Бугунги кундаги талаб ҳам шу, депутат энг аввало, воиз, сўзга уста, ўз ортидан одамларни эргаштира олиш қобилиятига эга бўлиши керак. Чунки, унинг фаолияти аҳоли билан учрашиш, хорижлик делегациялар билан мулоқот қилишни ҳам қамрайди. Агар у ўз ўй-фикрини, нуқтаи назарини тўлиқ етказа олмаса, нутқи равон, сўзи тиниқ бўлмаса, уни ким ҳам тинглайди?

Масалан, АҚШ, Европада праймеризда қатнашадиган номзодлар энг аввало, нутқ маданиятини теран ўзлаштирган, махсус тренинглardan ўтган бўлиши керак. Оғзидан сўзи тушиб, фикрини эплаб етказа олмайдиган шахсларга сайловчилар ҳам овоз бермайди. Қолаверса, сўз айтишувларида қозоқ тилида қўйилган саволларга муносиб жавоб бериши ҳам муҳим талаб.

Демократик талабларга риоя қилиш учун Қозғоғистон ҳам етакчи партияси таркибида ушбу ташаббусни жорий этди. Бу гоёни бошқа сиёсий партиялар ҳам қўлласса, ажаб эмас.

Ғанишер РАИМҚУЛОВ,
Сайрам туман маслаҳат депутати,
туман ўзбек этномаданият бирлашмаси раиси.



Кўкшетовда карантин кучайтирилиб, шаҳар ташқарисига етти блокпост қўйилди.

● Давлат дастурлари – амалда

Бугунги кунда ишсизликни бартараф этиш – куннинг муҳим масалаларидан бири. Шу боис, иш билан таъминлаш – Ҳукуматнинг диққат марказида. Давлат аҳамиятига эга дастур жойларда қандай амалга ошмоқда? “Бандлик – 2020” дастури доирасида Қазифурт туман иш билан таъминлаш ҳамда ижтимоий дастурлар бўлими қатор ишларни олиб бормоқда.



ИЖТИМОЙ СОҶАДА ЎСИШ БОР



тенге бўлинди. Шундан 967 399 минг тенгеси республика бюджетидан, 196 848 минг тенгеси туман бюджетидан кўзда тутилган.

Йил бошидан бери туман миқёсида турмуши ночор оилаларни қўллаб-қувватлаш мақсадида “Ғамхўрлик” дастури амалга оширилмоқда. 13та қишлоқ округи бўйича ижтимоий ёрдамга муҳтож 86та кам таъминланган оила аниқланиб, уларга ҳомиёлар бириктирилди.

Туман бюджети ҳисобидан УВУ фахрийлари ва уларга тенглаштирилган 16 нафар шахс 2020 йил учун 120,1 минг тенгега даврий нашрларга бепул обуна қилинди. Муҳтож ногиронларни “Инватакси” хизмати билан таъминлаш учун туман бюджетидан 5 409 минг тенге ажратилиб, 2020 йилнинг уч ойида 45 ногирон ушбу хизматдан фойдаланди.

“Бандлик-2020” дастури тўғрисида ишсизлар сони ҳамда ижтимоий кам таъминланганлар қатори анча камайди.

Аймен ЎСЕРБАЕВ,
туман бандлик ва
ижтимоий дастурлар
бўлими раҳбари.
Қазифурт.

Чунончи, туманда 2020 йилнинг уч ойида 250 янги иш ўринини очиб режаланган бўлса, бу кўрсаткич 287га етказилди. Пулли жамоат ишлари доирасида бир қанча фуқаро овулни кўкаламзорлаштириш ишларига жалб этилди. Доимий ва вақтинча ишга 3 ойда жами 1 198 киши жалб этилиб, режа 144 фоизга бажарилди. Имконияти чекланган фуқаролардан 40 нафари ишга тортилиб, бу соҳада режа 148 фоизга бажарилди. Туманда ишсизлик даражаси 4,9 фоизни ташкил этади, ёшлар орасидаги ишсизлик кўрсаткичи эса 1,4

фоизга тенг.

Натижали иш билан таъминлаш ҳамда оммавий тадбиркорликни ривожлантиришнинг 2017-2021 йилларга мўлжалланган “Меҳнат” давлат дастурига уч ойда 1626 киши жалб қилинган.

Шунингдек, туманда она ва боланинг ижтимоий аҳволини яхшилаш, даромади кам оилаларга қўшимча ижтимоий қўллов чораларини кўрсатиш йўлга қўйилган. Жорий йил туман бюджетидан уй-жой кўмағига 21 325 минг тенге ажратилган.

2020 йилги манзилли ижтимоий ёрдам учун 1 164 247 минг

ХОРИЖ АВТОМОБИЛЛАРИДА ЙЎЛОВЧИ ТАШИШ МАН ЭТИЛАДИ

Қозоғистон Республикасининг 2003 йил 4 июлдаги 476-сонли “Автомобиль транспорти тўғрисида” Қонунига мувофиқ, хориж автотранспорт воситаларининг элимиз ҳудудида йўловчилар ташиш билан шуғулланиши тақиқланади.

Бундай қонунбузарлик учун ҚРнинг “Маъмурий ҳуқуқбузарлик тўғрисида” кодексига асосан, ваколатли органлар томонидан ойлик ҳисоб кўрсаткичининг 100 баравари миқдоридан, яъни 211 800 тенге жарима

солиш кўзда тутилган.

Шунинг учун, вилоят йўловчилар транспорти ҳамда автомобиль йўллари бошқармаси транспорт ҳайдовчилари диққатига хориж транспорти ёрдамида йўловчиларни ташиш мумкин эмаслиги ҳамда вилоят аҳлига бундай машиналарга ўтирмамаслик зарурлигини эслатади. Бошқарма ушбу ҳолатларнинг олдини олиш мақсадида доимий рейд чораларини уюштирмоқда.

**Вилоят минтақавий
коммуникациялар хизмати.**

ЙЎЛКИРА
ОШМОҚДА?!

Олтинчи чақирик Шимкент шаҳар маслаҳатининг олтмиш бешинчи сессияси ўтди. Кун тартибидеги 26та масала кўрилди.

Чунончи, сессияда шаҳар ҳокимлигининг 2019 йилги бюджет ижроси юзасидан ҳисоботи тингланиб, бюджетга ўзгаришлар киритилди. Шунингдек, “Рақамли Қозоғистон” дастурига кўра, Шимкентдаги жамоат транспортлари хизматини яхшилаш мақсадида баҳоларни саралаш масаласи кўрилди. Энди шаҳарликлар янги тизимга мувофиқ жамоат транспортда йўлқирани электрон тарзда 70 тенге, нақд 100 тенге тўлашади бўлади.

Бундан ташқари, шаҳардаги тўртта туман ҳокимлари бажарган ишларининг ҳисоботи тингланиб, мактабгача таълим тизимининг аҳволи муҳокама қилинди.

**Шимкент шаҳар ҳокимининг
матбуот хизмати.**



ЯНА 590та ЯНГИ АВТОБУС

Шимкентда жамоат транспорт парки янги автобуслар билан бойиб, янги бекатлар қурилади.

Яқин кунларда Шимкентда жамоат транспорти сифатини яхшилаш мақсадида янги тизим йўлга қўйилди. Эндиликда транспорт соҳасига доир масалалар навбати билан ечимини топади.

500 тенгелик тўлов карталари август ойдан савдо марказлари ва дўконларда сотила бошлайди. Шаҳарга йил охиригача 590та автобус олиб келиниши режалаштирилган. Ниҳоят, шимкентликлар тиқилинч кичик автобуслардан қутулади,

янги хизмат кўрсатишни бошлайди.

26 ўринга мўлжалланган экологик тоза автобуслар йўловчилар ҳамда имконияти чекланган кишилар учун ҳам қўлай. 14 минг тенгелик бепул тўлов картаси УВУ фахрийлари, “Алтин алқа”, “Кумис алқа” соҳибалари, имконияти чекланган кишиларга берилади. Шу билан бирга, 11та олий ҳамда маҳсус ўқув юрти талабаларига ҳам карта берилади. Мутахассисларнинг айтишича, 17та йўналиш ёпилиб, 14та янги очилиши кутилмоқда.

М. УСМОҒОВА.

● Республика янгиликлари

ДИПЛОМ –
ЭЛЕКТРОН
ШАКЛДА

Жорий йилдан бошлаб ОўЮ ва коллеж битирувчилари дипломни электрон шаклда олишади.

Буни ҚР Таълим ва фан вазирининг ўринбосари Рустем Биғари маълум қилди.

– Жорий йилдан бошлаб барча ОўЮ ва коллеж битирувчилари дипломни электрон турда олади. Барча меъёрий ҳужжатлар қабул қилинди. Бу нима учун керак? Иш берувчи ва фуқароларда дипломнинг сохта эмаслиги, сифатига оид саволлар туғилиши шубҳасиз. Дипломини тасдиқлаш учун иш берувчи ва ёш мутахассиснинг кўп вақти кетади. ТФВга йил сайин дипломнинг қонуний эканлигини тасдиқлаш учун 500 мингга яқин ариза келиб тушади. Бунга кўп вақт кетади, – дейди Р. Биғари.

Унинг айтишича, 1992 йилдан кейинги 2,5 млн. диплом маълумотлар базасига киритилган. Айтилган ОўЮни 1992 йилгача битирганларнинг тарихий маълумотлари йиғилмоқда.

– Жорий йил биз барча дипломларни рақамлаштирдик. Таълим ва фан вазирлиги сайтдан базага киритилган дипломни онлайн тартибда текшириш мумкин. Иш берувчининг ҳам, ишлайдиган фуқаронинг ҳам вақти ва пули тежалади. Энди дипломнинг қонуний эканлигини тасдиқлаш учун нотариусга бориб, пул тўлашнинг хожати йўқ. Йил сўнгигача бу ишни тўлиқ якунлаймиз, – деб таъкидлади Р. Биғари.

ЭСКИ 500 ТЕНГЕ
МУОМАЛАДАН
ЧИҚДИ

Қозоғистон Миллий банки 2006 йилдаги 500 тенгелик банкнотларнинг параллел муомаладаги даври 2020 йил 10 июнда тугаганини маълум қилди.

2020 йил 10 июндан бошлаб 2006 йилдаги 500 тенгелик банкнотлар қонуний тўлов воситаси бўлмайди. Бундан буён 2017 йилдаги 500 тенгелик банкнотлар муомалада бўлади ва ҚР ҳудудидаги барча тўловлар, шунингдек, банк ҳисоб варақаларига олиш ва ўтказиш учун қабул қилинади. Барча банклар ва Миллий почта оператори чекловларсиз қабул қилиш, олиш ва узатиш мажбуриятини оладилар.

ИСТЕЪМОЛЧИ ҲУҚУҚЛАРИ –
ЖАМОАТЧИЛИК НАЗОРАТИДА

Қозоғистон Парламенти истеъмолчилар ҳуқуқларини ҳимоя қилиш тўғрисидаги қонунларга тузатишлар киритди.

Сенатнинг пленар мажлисида икки ўқишда «Истеъмолчилар ҳуқуқларини ҳимоя қилиш бўйича Қозоғистон Республикасининг айрим қонун ҳужжатларига ўзгариш ва қўшимчалар киритиш тўғрисида» Қонуни қабул қилинди.

Хусусан, қонун истеъмолчиларга шикоятларни «ягона дарча» асосида кўриб чиқиш имконини беради, истеъмолчилар жамоат бирлашмаларини эса жамоатчилик назоратини ўтказиш ваколати билан таъминлайди.

СУД ТИЗИМИДАГИ
ИСЛОҲОТЛАР –
ЯНГИ БОСҚИЧДА

ҚР Президенти судларга ишларни томонларни чақирмасдан кўриб чиқишга имкон берадиган ўзгаришларни имзолади.

Давлат раҳбари ҚР Фуқаролик процессуал кодексига замонавий суд шакллари жорий этиш, суднинг ортиқча тартиблари ва харажатларини камайтирувчи ўзгаришлар ва қўшимчалар киритиш тўғрисидаги қонунни имзолади.

Унда суд оддий масалаларни томонларни чақирмасдан кўриб чиқадиган меъёрлар мавжуд. Ишларнинг соддалаштирилган (ёзма) тартибидегиси электрон шаклда кўриб чиқилади.

Қонунда электрон баёнот, жараёнда масофадан қатнашиш, электрон ва бошқа техник воситалардан фойдаланиш синга бошқа янгиликлар ҳам кўзда тутилган.

Қонунга киритилган ўзгаришлардан мақсад – суд тизимини ислоҳ қилиш ва фуқаролик процессуал қонунчилигини тақомиллаштириш ҳамда ортиқча суд жараёнларини қисқартириш ҳамда замонавий электрон хизматларни жорий этишдан иборат.

КазТАГ.

● Обуначиларимиз орасида

Аср юзини кўрган онахон

ёки Шаҳодат аянинг тилаклари



Доимий жамоатчи, жонкуяр обуначимиз, «Халқ ҳурмати» медали соҳиби, тадбиркор Мирзахон Аешов тавсияси билан Туркистоннинг кўҳна маҳаллаларидан бири – М.Султонов кўчасидаги 18-хонадонда истиқомат қилувчи 100 ёш арафасидаги Шаҳодат ая Валиеванинг хонадонидан бўлиб, мақола тайёрладик.

Шаҳодат ая худо хоҳласа келаси 2021 йили февраль ойининг биринчи ҳафтасида 100 ёшни қаршилайди.

Нафақага қадар Туркистондаги темирйўлда ишлаган. Умр йўлдоши, УВУ фахрийси Абдуҷаббор Валиев билан Райҳон, Обод, Нурхон, Махфират, Абдували, Фариди, Ҳасан-Зуҳра исмли саккиз фарзанд 47 неvara, 67 эвара кўрган пири бадавлат оила соҳибаси. Шаҳодат аянинг ҳурмати жойига қўйиб, эъзозлаб келаётган келини Ҳалима Сулаймон қизининг ўзи олтишидан ошган, тўрт фарзанд кўриб, нева-

ралар тарбиялаётган бахтли она. Онахон 100 ёшга тўлгунга қадар шаҳардаги мутасадди ташкилотлардан бир аср умр кўрган фуқароларга, меҳнат фахрийларига қандай имтиёзлар борлигини аниқлаб кўшимча маълумот беришга аҳд қилдик.

Ҳаётда ҳалолликни, қаноатни, меҳнатни, яхшиликни қадрлашни мақсад тутган табаррук ёшдаги Шаҳодат ая кўҳна Туркистондаги бугунги бунёдкорлик ўзгаришлар, янгиланган беҳад ҳурсанд ҳолда кўллари дуога очиб элга, юртга тинчлик, маъмурлик, Туркистонга тараққиёт тилади. Онахоннинг тилаклари ижобат бўлсин.

Ш. МАДАЛИЕВ.

Тасвирда: Шаҳодат ая келини Ҳалима Сулаймон қизи ва неvara, эваралари билан.

Муаллиф тасвири.

Туркистон шаҳридаги тарихи теран ўқув даргоҳларидан бири – Ш. Ниёзов номли мактаб ҳисобланади. Бу даргоҳга ўтган асрдан бошлаб турли йилларда таниқли, тажрибали инсонлар раҳбарлик қилган. Бугунги кунда мактабни Ҳусан Тўлаган ўғли Диметов бошқармоқда. Сўнги йилларда янгидан бунёд этилган мактаб ҳовлиси, мактабга келадиган пиёдалар йўлаги, мактаб атрофи қуршови янгидан бунёд этилди. Ўқувчилар учун кўшимча қулайликлар яратилди. Устозлик фаолиятини шу даргоҳда бошлаган Ҳусан Тўлаган ўғли ёш авлодга таълим-тарбия беришда жамоага моҳир раҳбар.

Ҳусан Тўлаган ўғлининг узоқ йиллик самарали меҳнатлари, бунёдкорлик режалари инobatга олиниб, вилоят оқсоқоллар кенгаши томонидан Буюк Ғалабанинг 75 йиллиги муносабати билан махсус кўкрак нишони тақдим этилди. Мактаб жамоасига, ўқувчиларга омад, саодат ҳамроҳ бўлсин!

Абдуғани АБДУРАҲМОНОВ,
Туркистон шаҳрининг
фахрий оқсоқоли.

Тасвирда: мукофот тақдим этиш чоғида.

Обуначиларимиз орасида

Ш. НИЁЗОВ НОМЛИ МАКТАБДА



ЧОҒАЛИК ИЛҒОР БИТИРУВЧИЛАР



Чоға қишлоғидаги Меҳринсо Иззатуллаева раҳбарлик қилаётган В. Воҳидов номли мактабни жорий йили 13 ўқувчи битириб, мустақил ҳаётга йўланма олди. Уларнинг икки нафари – Ортиқ Онажон Хуршид қизи ва Хўҷамберди Бибимариям Мўминжон қизи «Олтин белги», Эрмат Юсуф Муроджон ўғли эса «имтиёзли аттестат» соҳиби бўлишди. Илғор ўқувчиларнинг синф раҳбари Исломбек Исмоилов. Ўқувчиларнинг сифатли билим, онгли тарбия олишида барча устозлар жамоаси, хусусан, директорнинг ўқув ишлари бўйича ўринбосари

Феруза Исмоилова, тарбиявий ишлар бўйича ўринбосари Дилмира Ҳабибуллаеваларнинг саъй-ҳаракатлари мўл.

Таълим соҳаси бўйича мактабимиз ютуқлари ўтган йилгига нисбатан анча юқори. Келажакда шу анъана давом этади.

Наргиза ИБРАГИМОВА,
бошланғич синфлар
бўйича мактаб
директорининг
ўринбосари.

Тасвирда: мактаб раҳбари М. Иззатуллаева пешқадам битирувчи ўқувчилар билан.

Европа Иттифоқи Марказий Осиё давлатларига пандемияга қарши кураш учун маблағ ажратди

Европа Иттифоқининг ташқи ишлар ва хавфсизлик сиёсати бўйича Олий вакили Жозеп Боррель Марказий Осиё мамлакатлари ташқи ишлар вазирлари билан видеоанжуман ўтказди.

Унда қатор минтақавий ва халқро муаммолар юзасидан фикр алмашилди. Хусусан, Европа Иттифоқининг Марказий Осиё бўйича стратегиясини амалга ошириш, коронавирус пандемияси ва минтақавий ҳамкорлик, шу жумладан, Афғонистон билан ҳамкорлик масалалари муҳокама қилинди. Жозеп Боррель Европа Иттифоқи пандемияга қарши курашда Марказий Осиё давлатларини қўллаб-қувватлашни маълум қилди.

Туркия, Хитой, Корея ва Таиландга парвозлар 20 июнь кунини йўлга қўйилади

2020 йил 20 июндан бошлаб Қозоғистондан: Туркия, Хитой, Жанубий Корея, Таиланд, Грузия ва Японияга халқро рейслар аста-секин тикланади.

Идоралараро комиссиянинг ҚРда коронавирус инфекциясининг пайдо бўлиши ва тарқалишининг олдини олиш тўғрисидаги қарорига мувофиқ, Соғлиқни сақлаш вазирлигининг тавсияларига биноан, эпидемиологик ҳолат даражасини ҳисобга олган ҳолда Жаҳон соғлиқни сақлаш ташкилоти харитасига биноан 2020 йил 20 июндан бошлаб юқорида таъкидланган мамлакатларга халқро рейслар очилади.

«Томирис» фильми АҚШ кинотеатрларида намоиш этилади

Қозоғистонлик «Томирис» тарихий драмасынинг АҚШ ҳудудидаги дистрибуция ҳуқуқини Well Go USA компанияси сотиб олди. Буни Variety, Hollywood Reporter ва Screen Daily каби салоҳиятли нашрлар маълум қилишди.

Ушбу маълумотларга кўра, Arclight Films компанияси драмани АҚШ ҳудудида тарқатиш ҳуқуқини Well Go USA компаниясига сотди.

«Қазахстанская правда»

ЙўЛЛАР ТАЪМИРЛАНМОҚДА



Туркистон вилоятида туризм соҳасини ривожлантириш учун сайёҳлик иншоотларига борадиган йўллари яхшилаш бўйича кўламдор ишлар амалга оширилмоқда. Айтганча, Тўлебий тумани сайёҳлар кўп келадиган, дам

олиш ўринлари кўп тоғли жойлардан бири ҳисобланади.

2019-2020 йиллари Тўлебий туманидаги Биринчи Мамир-Жанажўл аҳоли манзиллари орқали «Сайрам-Өгем» миллий паркига борадиган вилоят аҳамиятга эга КХ-112 автомобиль

йўлининг 11 чақирими ўртача таъмирдан ўтиб, фойдаланишга топширилди. Ушбу йўл сўнги 15 йилда ҳеч қандай таъмирдан ўтмаган эди. Ҳозирги кунда Туркистон вилояти йўловчилар транспорти ва автомобиль йўллари бошқармасининг топшириғи бўйича пудратчи компания «Бирлик» МЧБ асфальтни тўлиқ янгилади.

Шунингдек, ушбу йўл бўйида

жойлашган Биринчи Мамир ва Жанажўл аҳоли манзилларида пиёдалар йўлақлари тўшалади, тунги чироқлар ўрнатилди.

Таъмирланган йўл ҳайдовчилари учун ўта қулай. Йўл юриш вақти бир мунча қисқаради. Шу йўналишдаги йўл таъмирлаш ишлари келгусида ҳам давом этади.

Вилоят минтақавий коммуникациялар хизмати.

ҲАЛОЛ ЙЎЛ БИЛАН ТОПИЛГАН ДУНЁНИ ИСРОФ ҚИЛМАЙЛИК

Бугунги куннинг баъзи хайратли жиҳатларидан бири шуки, одамларга Аллоҳнинг қулчилигини қил, десанг, бола-чақамни ким боқади, дейди. Ривоятга қулоқ тутинг: Мусо (а.с) жамоат билан ўтирганда шундай деган: “Бугунги еб турган таомингизни эртага олиб қўяман, деманг. Эртанги кун ризқи ўзи билан келади”. Азизлар, ризқи Аллоҳ Таоло ўзи беради. Халқимизда ажойиб нақл бор: “Улоқ туғса ўти билан”. Динимиз меҳнат қил, дунё топ, фақат ҳалолдан дейди. Аллоҳ Таоло бизларни ер юзига ҳалифа қилиб юборди. Ўн саккиз минг оламда яратган ҳамма нарсани одамга бўйсундириб берди. Бизга хизматимизни ўрнида бажариб, ҳам дунёвий тирикчиликни уйдлаш – фарз. Иш-ҳаракатларимиз, қулчилик, ибодат ишлари билан бирга ҳалол касб, оила, давлат олдидаги жавобгарчилик каби тирикчилик ишлари ҳам ётади.



эришади. Ҳалол касб этиш ҳар бир мусулмон учун фарз”. Одамлар орасида эътиборсиз қолаётган исрофгарчилик гуноҳи кун сайин авжига чиқаётганлигини надомат билан эътироф этамиз. Тўқчиликнинг, манманликнинг, исрофгарчиликнинг касофатига учраб, келажак авлодларга касримиз тегмаса экан, деб ўйланаман. Қуръони каримда: ичинлар, енглар бироқ исроф қилманглар, дейилган. Исроф қилувчиларни Аллоҳ Таоло севмайди. Ҳалолдан топган неъматларимизни қандай қилиб исрофгарчиликка сарфляялмиз. Азадор хонадонда борникени сочман, йўқнинг орқасини очман, деган нақл ҳақида. Аччиқ бўлса ҳам ҳақиқат. У ўлимни сийлаш, ўлган одамга ҳурмат кўрсатиш мақсадида айтилган. Асосий мақсад – мурдани тоза ҳолида ерга топшириш. Садақаларини бериб тириклигида қилган яхши амалларини айтиб, ҳурмат кўрсатиш. Майит чиққан уйга таъзия айтиш учун борсанг, яқинларини топа олмайсан. Дастурхон ясаш учун бозорга харид қилгани чиқиб кетган бўлади. Майитнинг маъракасини ўтказишда эса дастурхон азагами, тўйгами ясалганини билмай қайрон бўласан. Рўзгорини амаллаб тебратиб турган одамдан нега бундай қилдинг, деб сўрасанг, одамлардан уят бўлади, деб жавоб беради. Яратган Эгам олдида-чи, уят эмасми? Келганларга ҳадя – “йиртиш” улашишни ҳам тўхтатиш керак.

Пайғамбаримиз (с.а.в) нинг олдида бир киши ўтди. Уни кўрган саҳобалар, ё Расулulloҳ, мана бу одам Аллоҳнинг йўлида, деб сўради. Шунда Пайғамбаримиз (с.а.в), агар у ёш болалари учун нафақа топиш учун чиқса, ул Аллоҳ йўлида, агар уйда кекса ота-онасининг ғами учун чиқса, Аллоҳ йўлида, агар ўз бошини тиланчиликдан, гадоичиликдан сақлаш учун чиқса, Аллоҳ йўлида. Агар одамларга мақтаниш, риёгарчилик учун чиқса, шайтоннинг йўлида, деган экан.

Абдулла Ибн Масуддан етган ривоятда Пайғамбаримиз (с.а.в) “ҳалол фойда топишга интилиш фарздан кейинги фарз”, деган. Яна бир ҳадисда Пайғамбар (с.а.в) ҳеч бир одам ўз қўл меҳнати билан топган таомдан ортиқ таом емаган, деган экан. Пайғамбаримиз (с.а.в) ҳадиси шарифда шундай дейди: “Одамнинг энг яхшиси бошқа одамларга фойда текказадиганларидир. Ҳалол йўл билан даромад топган, меҳнат қилишга эътибор қаратган. Ислом динида ҳаром йўл билан дунё йиғиш катта гуноҳ. Унга ўғрилиқ, хиёнат, зўрлик, одамларни алдаб-авраш, товланчилик, порахўрлик, пулни фоиз ҳисобига бериш орқали фойда топиш киради. Пайғамбаримиз (с.а.в)дан етган ривоятда шундай дейилади: “Ҳаромдан дунё топиб ўсган эт (яъни одам) жаннатга кирмайди. Қулчилик ўн турли нарсдан иборат бўлиб, унинг тўққизтаси ҳалол ризқ излашдадир”. Қуръони каримда айтилади: “Эй одамлар, ер юзасидаги нарсаларнинг ҳалол яна тозасини енглар. Баъзи бир гуноҳлар бор, уларга намоз, рўза, ҳожиллик каффорат бера олмайди. Фақат кун кўриш учун эринмай меҳнат қилиш учун астойдил меҳнат қилган жон Аллоҳ йўлида эъзозлидир.

Қуръони каримда айтилади: “Аллоҳ сенларга ерни кўрпа, кўкни тепа қилиб яратди. Ҳаводан ёмғир ёғдириб, шу орқали сенлар учун ўсимликдан ризқ чиқарди. Аллоҳ Таоло кўкдаги яна ердаги нима бўлса, шунинг ҳаммасини неъмат этиб сенларга ҳавола қилди. Роббимизнинг неъматларига одам боласи фақат меҳнати билан

дунё топса ҳам эртага бошқалар каби биз ҳам қора ер тагига киримиз, деб ўйлайди. Шу билан бирга никоҳ тўйлари ҳам ким ошди мусобақасига ўхшаб, исрофгарчиликка йўл қўйилмоқда. Урф-одатларимизда йўқ нарсаларни сунъий ўйлаб топиб, гуноҳга ботаялмиз. Исрофгарчилик ҳеч кимнинг обрўсини оширмайди. Мен фалончининг тўйини кўрдим, мен ҳам шундай қиламан, деб чираниш мусулмончиликдан ва одобдан эмас. Аллоҳдан кўрқиб, Аллоҳдан уялайлик! Тўйлар ўтказишда камтарлик одобига риоя қилайлик.

Абдуллоҳ Ибн Амир (р.а)дан ривоят қилинади: “Наби (с.а.в) Раҳмонга ибодат қилинг. Таомни едиринг, саломни ёйинг. Соғ-саломат жаннатга кирасиз”. Халқимизда тўй муносабати билан жамоатга насиҳат қилинган, урушганлар яраштирилган, беморлардан хабар олинган, уларга тўй таомларидан насибалар берилган. Тўйларда шариат кўрсатган чегарадан чиқшининг зарари кўп. Ҳаром-хариш нарсаларни тановул қилиш, гуноҳ ишларни амалга ошириш, кибр, манманлик ва исрофгарчилик, ортиқча харажат зарар етказди. Савобни йўқ қилади. Никоҳ тўйида дастурхон харажати куёв тараф кўтарари. Бу ҳанафий мазҳаби бўйича суннатдир. Тўй орқали никоҳ эълон қилинади. Келин-куёвга дуолар қилинади. Суннат тўй шариатимизда суннат амалдир. Тўй фарзанд ҳаққида дуо олиш нияти билан қилинади. Бизда эса дабдабалар кўп. Шу боис, савоб эмас, гуноҳга ботаётганимиз ёдимиздан кўтарилиб кетади.

Абу Ҳурайрадан (р.а) ривоят қилинишича, Расулulloҳ (с.а.в), албатта Аллоҳ уч насага рози бўлади, уч насага ғазаб қилади: унинг ўзигагина ибодат қилиш, ҳеч нарсани унга шерик қилмаслик, Аллоҳнинг арқонини маҳкам тутиши ҳамда Аллоҳ ишига ваҳий қилиб қўйганларга насиҳатлашининг рози бўлади. Ёқтирмайдиган иши сизлардаги молнинг исрофгарчилиги, деди. Демак, ноҳақдан, ҳаромдан сақланиш, беҳуда нарсаларга керагидан ортиқ мол сарфлашни Қуръонда «Мубазирлик», яъни исрофгарчилик деб таърифлашади.

Азизлар, зинҳор ва зинҳор исрофчи бўлишдан сақланинг. Исрофгар ноҳақ сарфлашдир. Молни ноҳақ сарфлаган одам исрофчи бўлади.

Аллоҳ Субҳонаҳу ва Таоло ҳаммамизни ҳидоят йўлига бошлаб, шариатимизга амал қиладиганлар қаторида бўлишимизни насиб этсин.

Жумадулла АБЕНОВ.

Чипон қишлоғи, Кентон шаҳри.

P.S. Мақола муаллифи **маърифат соҳасида меҳнат қилиб, нафақага чиққан устоз. Ҳар обун мавсумида 25 муштарийни «Жанубий Қозғистон»га обун қилдиришда камарбаста, жонкуяр ташкилотчи. Жумадулла Абеновга мустаҳкам саломатлик ва барча яхшиликларни тилаб қоламиз.**



ЖОЙНАМОЗДА УЗИЛГАН ЖОН

(БЎЛГАН ВОҚЕА)



Умархожи бува қабристонга бордию гўрковни топиб, унга:

– Бир қабр қазиб қўйинг, – деди.
Гўрков қўлини юзига тортиди:
– Аллоҳ раҳмат қилсин. Ким ўлибди?
– Ҳеч ким.
– Қабрни кимга қазийман бўлмаса? – ажабланди гўрков.
– Ўзимга.
– Ия, Умархожи бува, ҳазиллашайсизми?
– Мен қачон биров билан ҳазиллашувдим, ўзимга дедим-ку, бас, сизинг ишингиз қазий. Қазиб пулини олиш.

Гўрков Умархожи буванинг чўрткесарлигини яхши биларди. Ади-бади айтишиб ўтирмайдиган одам. Тутган жойни кесмасдан қўймайди. Шунинг учун «ҳай, майли», дедию, гўр қазийга тушди. Умархожи бува тушдан сўнг бир хабар оламан, деб кетиб, айтган вақтда келди. Бува гўрни кўздан кечирди, ичига тушиб, этиб ҳам кўрди. Сўнг лаҳад деворига «Ёсин» сураси ёзилган қоғозни илди-да, ичкарига ит-мушук кирмасин, деган мақсадда қабр оғзига бир боғ шоли похололни бостирди.

Бува шу куни уйга қайтгач, жияни Жамолни чорлади. «От-аравани кўш», деди.

Иккаласи Қибрайни бошдан-оёқ оралашди, ҳамма-ни жанозага айтишди.

– Ким оламдан ўтибди? – сўрашарди одамлар.
– Жума куни мени чиқарасизлар, – дерди бува ҳаммага. – Пайшанба куни омонатимни топшираман.
– Э, ҳожи бува, тўқсонга борганда ақлдан озибсиз, эҳ аттанг-а, – дейишарди одамлар.
– Умримда биринчи марта ўз жанозасига чақирган одамни кўриб турибман, – дерди бошқаси.
– Мен айтдим-қўйдим, – дерди бува.

Пайшанба куни хуфтон намози маҳал бува ўғли ва жиянини ёнига чақирди:

– Жамолдин, сен бундай ўтир, ўғлим Асилпўлат, сен рўпарамга ўтир, – деди Умархожи бува, – ҳозир икковингизни дуо қиламан, жойнамоз устида дуо қиламан. Мендан рози бўлинглар.

Жамол ҳам, Асилпўлат ҳам буни ҳазил тушунишиб, ишонқирамай ўтиришарди. Бобо уларни дуо қилди, ўзи айтганидек, жойнамоз устига бош қўйди ва бошқа бош кўтармади, ўғли ва жияни шундагина Умархожи бува жон таслим қилганини тушунишди.

Улар кутилмаган бу ҳолдан эсанкираб, уввос солиб юбордилар.

Эртаси куни бу воқеани эшитган кишилар ҳам сал бўлмаса эс-ҳушларини йўқота ёзишди. Халқ жума куни Умархожи бувани сўнги манзилга кузатиб қолди.

Бугунги кунгача бу гап оғиздан тушмай келади. Умархожи бува элимизнинг суюкли санъаткори, Ўзбекистон халқ ҳофизи Фахриддин Умаровнинг бобоси эди.

Гулшода ҚУРБОНОВанинг
фейсбукдаги саҳифасидан.

ЖАСОРАТГА ТАЪЗИМ

Тадбиркор Собиржон Отажонов бунёд этган «Ясси» ёпиқ спорт мажмуасида Буюк Ғалабининг 75 йиллиги, уруш ҳамда меҳнат фахрийси марҳум Абан Содиқов таваллудининг 100 йиллигига бағишланган футбол мусобақаси ташкил этилди.

дўстлари билан дейдорлашиб, учрашиш насиб этган.

Шаҳримиздаги А. Навоий номи 13-сонли мактаб-гимназия битирувчиларининг фаол иштирокидаги мусобақанинг юксак савияда ўтишига спорт жонкуярлари Ақром Холназаров, Азиз Бойқўзиев ва Эркин Юсуповлар



таъкидладилар. Мусобақа якуни бўйича 1-ўрин 1992 йили, 2-ўрин 1975-1977 йили, 3-ўрин 1987 йили таваллуд топган мактаб битирувчиларидан иборат жамоаларга насиб этди. Хотира турнирга



Абан Содиқов 1920 йил 25 май куни Фрунзе туманида (собиқ Туркистон тумани) дунёга келган. Фронтга 1940 йили чақирилиб, Германия ва Япония урушларида иштирок этган. Жанг майдонидаги қаҳрамонликлари учун бир неча орден ва медаллар билан мукофотланган. Урушдан сўнг Туркистон индустриал - педагогика техникумида 1948 йилдан 1984 йилгача ёш авлодга таълим-тарбия берган. Уруш ва меҳнат фахрийси Абан отага 1985-1987 йиллари Москва шаҳрида собиқ қуролдош

ташаббускор бўлди. Жами 16 жамоа қизгин иштирок этган чарм тўп мусобақасининг ёпилиш тантанасида сўзга чиққан ушбу мактаб-гимназия директорининг ўқув ишлари бўйича ўринбосари Зокир Зокиров, меҳнат фахрийлари Хайрулла Шомуродов, Равшан Қурманбековлар бу каби тадбирлар соғлом турмуш тарзини жонлантириб, турли йилларда мактабни тамомлаган битирувчиларнинг ўзаро дўстлик муносабатларининг мустаҳкамлашида аҳамияти катта эканлигини

Бирлашган Миллатлар Ташкилотининг олтин ордени соҳиби, Туркистон шаҳрининг фахрий фуқароси Тиловберган Худойбергенов билан таникли меъмор Саъдулла Содиқовлар ҳомийлик қилиб, мусобақа ғолибларига қимматбаҳо совғалар топширишди.

Райимжон АЛИБОВЕВ.

Суратда: тадбир ғолиблари ва ташкилотчилари.

Муаллиф тасвири.

“ЁТ ИЛЛАТНИ ЧЕТЛАБ ЎТ!”

Ўсмирлар ва ёшлар ҳаётидаги муаммо ва масалаларни ҳал этиш – давлат ижтимоий сиёсатидаги стратегик ва биринчи даражали муҳим йўналиш, дея эълон қилдик, деган эди Элбошимиз Н. Назарбаев республикамизнинг фаол ёшлари билан учрашувда. Бу борада туманда фаол иш олиб бораётган «Қирон чанғароғи» ёшлар уюшмаси турли маданий-маърифий тадбир-

уюштирилган “Эҳтиёт бўлинг, секталар!” давра суҳбатида ўқувчиларга диний экстремизм, терроризм, гиёҳвандлик каби ёшлар онги ва шуурига салбий таъсир қилувчи зарарли иллатлар ҳақида тушунчалар берилди.

Тадбирда сўзга чиққан соҳа мутахассислари ёшларнинг интернет сайтларидан жой олаётган айрим ёт оқимларнинг “маънавий хуружи” тузоғига тушиб қолмаслиги учун уларда маънавий

ни севиш туйғуси кучли ва имон-этиқоди мустаҳкам бўлса, ўзининг ўтмишини ҳурматлаб, яхши билса, “оммавий маданият” тузоғига тушиб қолмайди, – деди Ленгер шаҳар “Ёшлар имконият маркази” раиси И. Рискулова. – Бугунги шиддатли даврда чинакам маънавиятли, сиёсий ва ҳуқуқий жиҳатдан етук инсонгина ўз миллий қадриятларини, миллий ўзлигини англаши, эркин ва озод жамиятда яшаши, ўз давлатининг жаҳон



адолат, ҳурмат, эъзоз, иззат, сабр, қаноат, меҳр, кенг феъллик, билимдонлик, маданиятлар тарихини билиш, дўстлик, биродарлик, бир-бирига азизлик қадриятларини оилавий муносабатларга ўтказиш, ҳамжиҳатлик, тинчликни энг улуғ қадрият ҳисоблаш, илмга чанқоқлик, мурувват, яхшилик, ҳақгўйлик, камтаринлик каби хислатларни ўзида жам этган ёшлар ҳеч қачон қалтис қадам қўймайди, ёт диний оқимларга қармайди.

Тадбирда Қозоғистон парламенти диний радикализм ва экстремизмнинг олдини олишга қаратилган янги қонунларни қабул қилишни режалаштираётгани ҳам айtilди.

Учрашув иштирокчилари “Ёт оқимни четлаб ўт!” мавзуда тенгдошларига Мурожаат қабул қилишди.

Б. РЎЗИМАТОВА.



лар ўтказмоқда.

Шулардан бири – Тўлебий туман марказлаштирилган кутубхонасида

иммунитет шакллантириш зарурлигини таъкидлашди.

– Кимда она Ватан-

ҳамжамиятидан муносиб ўрин эгаллаши учун фидойилик кўрсатиб меҳнат қилиши мумкин. Инсоф,

ТҲЙ БОШЛАШГА ШОШИЛМАНГ

Ҳамюртларимиз бир-бирларини дуо қилганларида, “топганинг тўйларга буюрсин”, деб ният қилишади. Буни туркий миллатлар ўртасидаги 1-рақамли дуо, десак янглишмаган бўламиз. Унинг моҳиятини тез илғаган тадбиркорлар ушбу ниятни бекаму кўст амалга ошириш учун барча имкониятлар яратишди. Шу боис ҳам вилоятимизда тўйхона, қаҳвахоналар сони бошқа минтақаларга нисбатан анча сероб. Бироқ кичик ва ўрта бизнес вакилларининг фаолиятига тўғаноқ бўлган иллат туфайли эълон қилинган карантин чоралари тўйхона соҳибларига қатор муаммоларни юзага келтирди. Йиғинлар, оилавий маросимларни ўтказиш тўхтатилди, тўйхоналар ишсиз қолди. Айнан ушбу даргоҳ соҳиблари энг кўп моддий зарар кўрганлардан бўлишди.

Яқинда Шимкент шаҳар ҳокимининг ўринбосари Е. Садир тадбиркорлар билан учрашиб, уларнинг муаммоларини тинглади. Ҳокимият вакили ишбилармонларга 50 кишига хизмат кўрсатадиган қаҳвахоналар сифатида ишлашни тавсия қилди. Бироқ...

“Шимкент холл” тўйхонаси соҳиби Б. Ўтебаевнинг айтишича, фавқулодда вазият эълон қилиниб, карантин чоралари жорий этилган, кичик бизнес соҳибларининг ишлари ноқорлашди. Банк олдидаги қарзлари кўпайиб кетди.

“Коркем” тўйхонаси соҳиби М. Байбўсиновнинг таъкидлашича, тадбиркорнинг асосий талаби – санитария талабларига риоя этган ҳолда, иш бошлашга рухсат беришса бўлгани. Улар кундузи ишлаб, меҳмонлар сонини қисқартиришга ҳам тайёр. Учрашув чоғида ишбилармонлар карантин чораларининг чўзилишидан норозилиklarини яширишмади. Бироқ миллионли шаҳарда чеклов чораларини кучайтиришнинг ўзига хос сабаблари бор, албатта. Хавфли касалликни юқтирганлар сони кун сайин ўсиб бормоқда. Эпидемиологик вазият мураккаб.

Шимкент шаҳар товарлар ва хизматлар сифати ва хавфсизлигини назорат қилиш департаменти раҳбари А. Тўлебаевнинг айтишича, карантин тартиби тугагунга қадар тўйхоналар хизматини бошлашга рухсат берилмайди. Ҳоким ўринбосари 22 июндан кейин санитария-эпидемиологик аҳвол яхшиланса, тўйхоналарни очиш борасида имтиёзларни кўриб чиқишга ваъда берди.

–Биз фаолият бошлашингиз учун рухсат берамиз, бироқ сизлар шунча меҳмонга санитария меъёрларига риоя қил, деб уқтиролмайсизлар, назорат қила олмайсизлар. Масалан, тўйга бир хаста келса, у ерда иштирок этаётган 350 нафар меҳмон ҳам иллат юқтириши мумкин, – дейди шаҳар ҳокими ўринбосари Е. Садир.

Ишбилармонларнинг шикоятига кўра, улар коммунал хизматлар учун қарзга ботишган. Боз устига малакали ходимларидан айрилиб қолишни истамаганликдан, мижозларга хизмат кўрсатилмас-да уларга маош тўлашга ҳам мажбур.

–Бизнинг учрашувга келишимиз сабаби – ишчиларимизнинг муаммолари. Карантин пайтида 3 ой ишсиз ўтиришди. Уларнинг ҳам, ўзимизнинг ҳам иккинчи даражали банклардан олган кредитларимиз бор. Коммунал хизматлар учун ҳам ҳисоб тўхтовсиз келиб турибди. Ишласак, ишламасак ой сайин 1 млн. 200 минг тенге тўлаяпмиз, – дейди “Оңтўстик” қабул уйи соҳиби Е. Қамбаров.

Шимкентда 250 дан зиёд меҳмонларни қабул қилиш қувватига эга 100га яқин тўйхона мавжуд. Уларда ўрта ҳисобда 6 мингдан зиёд киши иш билан банд. Фавқулодда вазият эълон қилингунга қадар ҳар бир тўйхонада ойига камида 15та тўй ўтказиб келинган. Бундан ташқари, мегаполисда 500 дан зиёд кичик қаҳвахоналар ҳам фаолият юритмоқда.

Тадбирда сўзга чиққан Шимкент шаҳар тадбиркорлар палатаси директори Н. Қабиршаев ишбилармонлар зиммасида қатор муаммолар борлиги ҳақиқатлигини таъкидлади.

–Шу пайтгача тўйхоналарни мавсумий иш билан шуғулланадиган муассасалар деб ўйлардик. Ушбу масканлардаги ишчиларнинг ўртача ойлиги 3,5 млн. тенгени ташкил этади. Улар ҳозир маошсиз мушкул аҳволда қолишди, – дейди Н. Қабиршаев.

Ишбилармонлар билан учрашув ҳокимият вакилларининг 22 июндан кейин шаҳардаги эпидемиологик ҳолат яхшилансагина, ҳамюртларимизнинг бир дастурхон атрофида бош қўшишларига рухсат берилиши ҳулосаси билан яқун топди. У ҳолда ҳам санитария талабларига риоя этилса.

М. САЪДУЛЛАЕВА.

«Жанубий Қозоғистон» вилоят ижтимоий-сиёсий газетаси таҳририяти ва Янги Иқон қишлоқ ўзбек этномаданият бирлашмаси, оқсоқоллар кенгаши Кентов шаҳри, Янги Иқон қишлоқ округи ҳокими Серик Ўмирханули Садибаевга буви-си меҳнат фахрийси, пири бадавлат онахон

Фатима БИСЕНБАЙ қизи-

нинг вафоти муносабати билан ҳамдардлик билдириб, таъзия изҳор қилади.

Аллоҳ марҳумани ўз раҳматига олган бўлсин!



Германия чегараларида пандемия туфайли киритилган барча чекловлар бекор қилинди.

Сридойилликка бахшида умр

Бугунги кунда ўзининг 75 йиллигини нишонлаётган мақола қаҳрамони Эргаш Шарипов 1945 йил 16 июнь кун Сайрам туманининг Қорамурт қишлоғида таваллуд топди. Ўрта таълимдан сўнг армия сафида хизмат қилди. 1968-1973 йиллари ТошДУнинг биология-тупроқшунослик факультетида профессор И.И. Гранитов раҳбарлигидаги олий ўсимликлар кафедрасида тахсил олди. Ўқиш баробарида амалиёт давомида Чотқол қўриқхонасида ўсимликлар турини ўрганди. Шу мавзуда диплом ишини ёқлади.



Фаолиятини Сирдарё вилоятидаги 19- ўрта мактабда кимё-биология ўқитувчиси сифатида бошлайди. Ёш мутахассиснинг ўз ишига талабчанлиги, меҳнат-севарлиги туфайли ҳамкасблари орасида обрўси ортиб, кўпчилик ҳурмати қозонди. Кадрлар танқислиги сабабли дарс соатлари кўп эди.

1975-2008 йиллар мобайнида «Оққала» ўрта мактабида устозлик касбини шараф билан улуғлади.

Э. Шарипов устозлик фаолияти давомида етиштирган кўплаб шогирдлари турли мусобақа, танловларда ғолиблик шоҳсупасига кўтарилишган. Бугунги кунда улар эл-юрт хизматида.

Устознинг олийгоҳдаги фаолиятига ҳам тўхталиб ўтсак. 2003-2007 йилларда А. Қуатбеков раҳбарлигидаги Қозоғистон Халқлар дўстлиги университе-

тида ҳам талабаларга билим бериб, уларнинг етук мутахассис сифатида камол топишига улкан ҳисса қўшди. Шунингдек, «Ақсу-Жабағли» қўриқхонасида ўқув-дала амалиётини олиб борди. Талабаларга гербарийлар тайёрлаб, ўсимлик турлари ва доривор гиёҳларни ўрганишда ёрдам берди. Фаолияти давомида Тошкентдаги Ботаника институти профессори К. Тойжонов раҳбарлигида «Оқсув флораси» мавзусида иш олиб борди.

Эргаш аканинг фаолияти давомида қўлга киритган ютуқлари муносиб баҳоланиб, турли унвонлар соҳиби бўлди.

Фурсатдан фойдаланиб, мақоламиз қаҳрамонига қутлуг 75 ёши арафасида мустақкам соғлик, узок умр тилаб қоламиз.

Анвар МУҲАММЕДОВ.
Сайрам тумани.

ШАҲАР ОБОД ВА ТОЗА БЎЛАДИ

Ленгер шаҳрида ободонлаштириш ва кўкаламзорлаштириш борасида бажарилаётган ишлар кенг қулоч ёзмақда.

Ўтган ҳафтада шаҳар ҳокимлиги ва уй-жой коммунал хўжалиги томонидан бу ишларга 50 одам ва 4та махсус техника ажратилди. Ленгер дарёсини тозалаш ишлари давом этиб, унда шаҳар «Ёшлар имконият маркази»нинг «Кўнгиллилар жамияти» аъзолари фаол қатнашиди.

— Шаҳар ҳокими бу масалани ўз назоратига олгани учун ундан миннатдоримиз, — дейди «Кўнгиллилар жамияти» аъзоси С.Тўрабеков. — Қозоғистон Республикаси Конституциясининг 53-54-моддалари атроф-муҳитга эҳтиёткорона муносабатда бўлишга чорлайди. Дарҳақиқат, Она табиат — тириклик манбаи. Бугунги кунда ер юзида вужудга келаётган иқлим ўзгаришлари дунё ҳамжамиятини ташвишга солаётган долзарб муаммолардандир. Демак, атроф муҳит муҳофазаси, инсон саломатлигини авайлаш, бир сўз билан айтган-


да она-табиатни асраш ҳар бир кишининг муҳим вазифаси ва инсонийлик бурчидир.

Ҳокимлик мутасаддилари кўнгиллилар саъй-ҳаракатлари яхши натижа бераётгани ва шаҳарда тозаланиб кетган кучайиб, аҳолининг онгида ҳам ижобий ўзгаришлар кузатилаётганини таъкидлашди.

— Тозалик ва озодлик бўлган жойда соғлом авлод вояга етади, — деди шаҳар ҳокимлиги мутахассиси В. Покрова. — Тозалик — соғлик гарови эканлигини инкор этолмаймиз. Саранжом-сарришта, тоза-озода жойга кирган кишининг баҳри-дили очилибгина қолмай, бу ерда унинг саломатлиги учун ҳеч қандай хавф туғилмаслиги ҳам барчага аён ҳақиқатдир. Шундай бўлгач, ҳар бир оилада, таълим даргоҳида, кўчада, жамоат транспортарида тозаланиб кетган қаратиш зарур. Бунинг замирида кишилар саломатлигини асрашдек умумдават ва умумхалқ масаласи ётади.

Б. ДЎСМАТОВА.

Маънавият ва матбуот



Чўрноқ қишлоқ округининг Сувноқ қишлоғида истиқомат қилувчи муштарийимиз Хайрулла Жумадуллаев «Жанубий Қозоғистон»да Хайитмат Мухиддиновнинг аллома Имом Ғаззолий қаламига мансуб «Эй фарзанд» китобининг қозоқ тилига ўғирилгани ҳақидаги мақоласини ўқиғач, менга кўнғироқ қилди. Шу китобни қаердан топиш мумкинлигини суриштирди. Ўз навбатида мен Хайитмат акага муштарий тилагини етказдим.

ҲИКМАТ ИЗЛАГАНГА ҲИКМАТДИР ДУНЁ

Хайитмат ака мазкур таржима китоби ҳомийси ва ташаббускори, ҳурматли меценат Ўрман Анарбек Ўнғарулига мурожаат этиб, масалани ҳал қилди. Шимкентга келиб, китобни олдим. Эртаси кун эса Чўрноқдаги фаол муштарийларимиз Қурбонбой Ирисбеков, Иқбол Абишевлар билан бирга рисола-



ни Хайрулла Жумадуллаевга топшириб, ўқиб бўлгач, ҳамқишлоқларини ҳам китобдаги ҳикматлардан баҳраманд этишини сўрадим. Сафаримнинг асосий мақсади осон кечмаётган обунани ташкил этиш хусусида бўлгач, барчамиз биргаликда «Қизиласкар» ўрта мактабига бордик. Мактаб ота-оналар кўмитаси раиси Абдурашид Абдуразоқов, устозлар Валихон Раметов, Шарифжон Тожибоев, Дилмурод Юсубов ҳамда Мо-

ҳидил Исмоиловлар билан «Жанубий Қозоғистон»га обуна масаласини уюшқоқли ташкил этишни муҳокама қилдик. Қўлида ҳасса тутган, тўқсон ёш сари одимлаётган нуроний ёшдаги Хайрулла Жумадуллаев оташин даъват нутқида давлатимизнинг тинчлик, тотувлик сиёсати ва она тилимиз ҳақиқурмати ушбу нашрга обуна бўлиш ҳар бир устоз, ҳар бир оила бурчи эканлигини таъкидлади. Оталар сўзи — ақлнинг кўзи, деб бежиз айтилмаган.

Қурбонбой Ирисбеков ва Иқбол Абишевлар шундай тажрибани бошқа мактабларда ҳам қўллаш даркорлигини тавсия этишди. Ҳикмат излаганга ҳикматдир дунё, нақли яна бир карра ҳаққонийлигини, ҳаётлигини исботлади.

Ш. МАДАЛИЕВ.

Тасвирларда: Хайитмат Мухиддинов; «Эй фарзанд» китоби таржима нусхаси; фаол муштарийларимиз.

Муаллиф тасвирлари.

Ярим асрлик таваллуд шодиёнаси

Иқбол меҳнатдан келади



Чўрноқ қишлоқ округидаги доимий обуначимиз, хусусий мебель корхонаси соҳиби Иқбол Ҳабибулла ўғли Абишев 50 йиллик таваллуд тантанасига ҳозирлик кўрмоқда. Унинг падари бузқувори, марҳум Ҳабибулла ота тўғрисида қишлоқ оқсоқоли Хайрулла Жумадуллаев билан меҳнат фахрийси Қурбонбой Ирисбековлар кўп яхши хотираларини ўртоқлашди.

Урушда иккинчи гуруҳ ногирони бўлган Ҳабибулла Абишев Туркистондан урушга отланган 18547 нафар уруш қатнашчиларининг бири сифатида ғалабага муносиб ҳисса қўшиб, қатор орден ва медаллар билан тақдирланган. Урушдан кейин маориф ва қишлоқ хўжалиги соҳасида раҳбар лавозимларида самарали меҳнат қилган. Умр йўлдоши Бибиойша ая билан 12 нафар фарзанд — 7 қиз 5 ўғил тарбиялаб вояга етказган пири бадавлат хонадон соҳибидир. Мақоламиз қаҳрамони Иқбол Абишев Тошкент техника университетини механик-муҳандис ихтисоси бўйича тамомлаб,

баевнинг Фармони билан бунёд этилган, икки ёшга тўлган Туркистондаги етакчи тадбиркорлардан бири. Ишлаб чиқаришни ривожлантириш баробарида бирлик, тотувлик ва тараққиётни мақсад тутган Қозоғистон Халқи Ассамблеяси таркибидеги Чўрноқ қишлоқ ўзбек этномаданият бирлашмаси раиси сифатида жамоат ишларида ҳам фаоллик кўрсатмоқда. Кентов ва Туркистон шаҳар ўзбек этномаданият бирлашмалари, ҳамқишлоқлари, ҳамкасблари ва оила аъзолари Иқбол Ҳабибулла ўғлини ярим асрлик таваллуд шодиёнаси билан муборакбод этиб, мустақкам саломатлик, саодат ҳамда янги муваффақиятлар тилайди.

Ш. МАДАЛИЕВ.

Суратларда: уруш фахрийси Ҳабибулла Абишев; Иқбол Абишев умр йўлдоши Гулчехра Абишева билан.

Муаллиф тасвирлари.

Бош муҳаррир — Алишер Ғофуржон ўғли СОТВОЛДИЕВ.

Бош муҳаррир

ўринбосарлари:

Муроджон АБУБАКИРОВ.

Ислом АБДУНАБИЕВ.

Масъул котиб —

Авазхон БЎРОНБОВЕВ.

Масъул шахслар:

Туркистон, Кентов — Шомирза МАДАЛИЕВ. 8(72533) 2-40-07.

Тўлебий — Баҳорой ДЎСМАТОВА. 8(72547) 6-07-16.

Қазигурт — Хуршид ҚўЧҚОРОВ. +7-701-447-37-42.

Сайрам — Мухтабар УСМОНОВА. +7-707-257-97-36.

Тулкибош — Мунира САЪДУЛЛАЕВА. +7-747-144-60-71.

Обуна, реклама ва эълонлар — Зокиржон МҮМИНЖОНОВ. +7-702-278-96-90

Қозоғистон Республикасида тарқатилади.

Муассис — Туркистон вилояти ҳокимлиги.

Мулк эгаси — «Жанубий Қозоғистон» вилоят ижтимоий-сиёсий газетаси таҳририяти» масъулияти чекланган биродарлиги.

● Мақолалар, эълон ва билдирувлардаги факт ҳамда далилларнинг тўғрилиги учун муаллифлар, реклама ва эълон берувчилар масъулдир.

● Фойдаланилмаган мақола-ларга ёзма жавоб қайтарилмайди.

МАНЗИЛИМИЗ: 160000, Шимкент шаҳри, Диваев кўчаси, 4-уй, 4-қават. Телефон: 53-93-17. Телефакс: 53-92-79. Бухгалтерия: 39-16-44. +7-747-701-50-55

Электрон почта: janubiy@inbox.ru

Газета ҚР Маданият ва ахборот вазирлиги томонидан 2020 йил 21 апрелда рўйхатга олинди, КЗ34VPY00022503 гувоҳнома берилган.

Нашр кўрсаткичи — 65466. Адади — 12200 нусха.

ERNUR-print МЧБ босмахонасида чоп этилди, Шимкент шаҳри, Т. Алимқулов кўчаси, 22.

Буюртма: 1547.

Навбатчи муҳаррир: Мухтабар УСМОНОВА.